



Bratu nišan između roditelja

Ulica prvog pilota ARBiH poput piste

Samir Beganović bio je, uz Edvina Iftića, prvi pilot ARBiH. Danas će centralna ulica u rodnom mu Cazinu zvanično ponijeti njegovo ime

Danas će centralna gradska ulica u rodnom mu Cazinu i zvanično ponijeti ime Samira Beganovića, koji je uz Edvina Iftića jedan od dvojice prvih pilota Armije RBiH, a koji je poginuo 1. augusta prije 25 godina, vraćajući se s jednog od letova kojim je prevoženo oružje za branioce Bosanske krajine. Beganović je tada bio u ukrajinskom avionu, s ukrajinskom posadom.

Diplomate zatajile

Avion je iznad Plitvičkih jezera oborila vojska tzv. srpske SAO Krajine, a posmrtni ostaci svih putnika (u avionu je bio i Frane Župa, hrvatski državljani) prvo su preneseni u Beograd. Onda ih je, prema tvrdnji koju je Savo Štrbac dao za Oslobođenje, ukrajinski diplomata odnio u putnom kovčegu u Kijev, gdje su sahranjeni kao posmrtni ostaci ukrajinske posade.

Dali su ti i ostaci Beganovića i Župe, nikad nije utvrđeno, iako su njihove porodice pokušavale izdejstvovati i kod bh. i kod vlasti RH da se to provjeri.

Vođeni su čak i diplomatski razgovori između ovih zemalja prije više od deset godina, a onda je sve zamuklo. Politika je, očito, slučaj stavila u ladicu, ali ne i Enes Beganović, koji je želio doći makar do jedne bratove kosti, da bi njegovi roditelji sinu mogli doći na mezar.

Samirova majka nam je to i sama više puta ponovila, kao svoju posljed-

nju ovozemaljsku želju. Nažalost, nije joj ostvarena, ali je Enes, upravo povodom 25. godišnjice Samirove pogibije, između nišana roditelja podigao i bratov.

- Nekako mi je sada lakše, kao da su opet zajedno, naglašava Enes, beskrajno zahvalan Udruženju koje je u Cazinu pokrenulo inicijativu o tome da se glavna ulica u tom gradu nazove po Samiru Beganoviću.

Samirov brat naglašava da je odluka Vijeća bila jednoglasna, "što samo po sebi već dovoljno govori".

- Mi, cazinska članica udruženja RVI paraplegičara USK-a, smatramo da je naš sugrađanin rahmetli pilot Samir Beganović dao neizmjeran doprinos odbrani BiH i Cazinske krajine, navode predlagачi, a njihov cazinski predsjednik Dejan Samardžić nam je rekao da je on odmah, videći ovu ulicu, zamislio pistu.

Sloboda nije poklon

- Znao sam da je to ta ulica, kaže nam Samardžić.

Pokazujući neka od posthumnih priznanja koja su dodijeljena Samiru, Srebreni štit, Zlatna značka s lilijanom u sredini, Enes Beganović kaže da mu je posebno drago što tradicionalna manifestacija Dani grada Cazina počinje ovim događajem, imenovanjem ulice pored koje se nalazi škola.

- Mladi moraju znati istinu o našim hrabrim braniteljima. Sloboda nije poklonjena, ističe Beganović, ne krijući da je posljednjih desetak dana i sretan i tužan.

- Stanem na ulicu i uvijek vidim da mi ususret dolazi brat, a znam da toga više nema, kaže Enes.

EDINA KAMENICA



Ova ulica će biti nazvana po Samiru



Samir Beganović

GIKIL-u su otete sto

O počinjenoj šteti u GIKIL-u i budućnosti ovog metalurškog giganta govore prvi sindikalista Mirsad Imamović i bivši direktor KHK-a Zuhdija Hasanhodžić

Razgovarao: **MIREN ALJIĆ**

Nakon puštanja Pramoda Mittala na slobodu, odnosno donošenja rješenja o određivanju kaucije za njegovo puštanje, pravna situacija u GIKIL-u se dodatno zakomplicirala. Mittalu je rješenjem, kao i drugoj dvojici predstavnika GSHL-a u GIKIL-u, koji su s njim bili uhapšeni početkom prošle sedmice, zabranjen pristup GIKIL-u, kao i obavljanje bilo kakvih poslova unutar ovog preduzeća. Ova mjera zabrane je izrečena nakon što je Kantonalno tužilaštvo iznijelo dokaze da GSHL još od maja prošle godine nema pravo uopšte biti prisutan u GIKIL-u zbog činjenice da je nad GSHL-om, registrovanim na ostrvu Man u Velikoj Britaniji, pokrenut likvidacioni postupak.

Pošto je GSHL bio jedan od suosnivača GIKIL-a, kao i KHK, koji je trenutno u stečaju, postavlja se pita-

nje ko će voditi fabriku. Novonastalu situaciju smo pokušali razjasniti sa bivšim direktorom KHK-a Zuhdijom Hasanhodžićem i predsjednikom Sindikata GIKIL-a Mirsadom Imamovićem. Njih pitamo kakva je budućnost GIKIL-a.

Smatrate li da je 11 miliona eura, koliko je Mittal platio, srazmjerno, kako to tvrdi Tužilaštvo, šteti koju je prčinio GIKIL-u?

Hiljadu direktnih i daleko više indirektnih radnih mjesta mora biti prioritet svih, poručuje Imamović



Mirsad Imamović: Sve izvozimo i trebaju nam malo veća ulaganja / MIREN ALJIĆ

HASANHODŽIĆ: Mislim da je šteta koju je on načinio mnogo veća od 21 milion KM, koliko mu je naloženo da plati. Tužilaštvo je u obzir uzelo samo taj novac koji je našlo po ugovorima o menadžerskim uslugama.

Uzaludne prijave

To jesu pravi iznosi, ali ima kama-ra drugih stvari koje je Mittal uradio da ošteti GIKIL. Jedna od njih je i presuda Stemcora teška 172 miliona dolara. I to će nekad doći na naplatu.

IMAMOVIĆ: Rješenje o kauciji ne znači da su oni osuđeni i Sindikat nikoga ne želi unaprijed osuditi. Mi se ne možemo kompromitovati u smislu da mi osuđujemo prije presude. Ali, pozivamo sve odgovorne da rade svoj posao i ovaj slučaj privedu kraju.

Je li se moglo ranije reagovati? Upozoravali su i radnici i KHK, ali šteta nije spriječena.

HASANHODŽIĆ: Ja sam kao v.d. direktor u KHK-u imenovan 2011. godine i svakodnevno sam od tada ukazivao na to. Već naredne godine sam podnio i krivičnu prijavu, ali od toga ništa nije bilo. Istina, to nije bilo upućeno kantonalnom, nego državnom Tužilaštvu, ali bilo je prilike da se nešto uradi. Državno je to pokušalo prebaciti Kantonu, zašto nije, ne znam.

IMAMOVIĆ: Apsolutno. Mislim da bi to imalo daleko veći efekat. Mi smo upozoravali na mnoge anomalije od osnivanja ove kompanije. Znači da je i tada bilo indicija da se nešto sumnjivo dešava. Pazite, svake godine, uz izuzetak dvije ili tri godine, poslovalo se u gubitku. Ko to još posluje u gubitku 16 godina i ništa ne poduzima po tom pitanju? To je ukazivalo na to da se nešto dešava.

Može li se govoriti o odgovornosti domaćih kadrova?

HASANHODŽIĆ: Moje mišljenje je da Mittal ništa nije mogao bez pomoći domaćih kadrova, kako u vla-

Crkva pripada svima

Neprimjerenim se smatra zahtjev IZ-a da mu se crkva Sv. Marije sa zvonikom Sv. Luke preda u posjed

Biskupska konferencija BiH neprimjerenim smatra zahtjev Islamske zajednice BiH da se crkva Sv. Marije sa zvonikom Sv. Luke preda u legitimni posjed Islamskoj zajednici.

U priopćenju za javnost navode da je crkva Sv. Marije sa zvonikom Sv. Luke proglašena nacionalnim spomenikom prije više od 120 godina, da kao takva pripada svim građanima BiH, te da tako treba i ostati.

"Svaka druga odluka mogla bi izazvati goleme posljedice na međuvjerske i međunacionalne odnose u BiH, kao i na opću sigurnost", poručili su.

"Sobzirom na povijesnu nepravdu učinjenu prema Katoličkoj crkvi u ovom i nizu drugih slučajeva, KC se ne odriče svoga prava na povrat nasilno oduzete krunidbene crkve Sv. Marije sa zvonikom Sv. Luke u Jajcu, koju katolički puk u BiH doživljava kao dio svoga identiteta. S druge strane, svjesni smo da ovaj slučaj u Jajcu može izazvati neželjene posljedice i narušiti i nako krhke međuvjerske i međunacionalne odnose ne samo u Jajcu nego i u cijeloj ovoj državi", dodaje se u priopćenju.



Biskupska konferencija želi spriječiti posljedice

tine miliona KM

sti, tako i u fabrici. Članovi uprave, Nadzorni odbor, svi su bili na nje-govoj platnoj listi; advokati su više bili vični podmićivanju i muljanju sudija i inspektora, nego što su zna-li i htjeli raditi svoj posao. KHK je imao mnogo postupaka protiv GS-HL-a, ali nijedan nije doveden do kraja, jer su obustavljani, prolongi-rani i slično.

IMAMOVIĆ: Vlada TK-a je imala mehanizme da utiče na dobrobit GI-KIL-a, jer je njoj povjerena ova kom-panija da je zaštiti, imala je članove Nadzornog odbora, uprave... Zašto niko nije reagovao ranije? Međutim, sad je tu ova istraga i neka se istjera navidjelo ko je za šta kriv. Smatram da se istraga trebala proširiti daleko izvan ove šestorice. Nisu sve ovo mo-gli uraditi strani investitori.

Ako se brzo ne uđe u strukturu vlasništva, ako se hitno ne odredi ko je ko u GIKIL-u i šta je čije, mogla bi nastati daleko veća šteta, smatra Hasanhodžić



Zuhdija Hasanhodžić: To što je Mittal platilo, za njega je sića / MIREN ALJIĆ

IMAMOVIĆ: Ako je zaista neko iznio kapital, trebalo bi da se to vrati tamo odakle je uzeto, to znači GI-KIL-u. Možemo ići tako daleko i reći da bi i radnici trebali imati nešto od toga, ali mi smo uvijek imali platu u skladu sa zakonskim propisima. Ta sredstva, ako ikada dođu, moraju se uložiti direktno u fabriku.

Kakva budućnost očekuje GIKIL? U ovom trenutku se ne zna ni ko upravlja fabrikom, nema generalnog direktora, umjesto GSHL-a, tu je njegov likvidator?

HASANHODŽIĆ: Likvidator se izjasnio da neće doći koliko sam čuo. U tom slučaju će KHK u stečaj-u morati sazvati skupštinu GIKIL-a, jer ima po zakonu mogućnost da to uradi. Prvi put kad se GSHL, odnosno likvidator ne pojavi, ide druga skupština na kojoj odlučuje samo onaj ko je prisutan. To je pravno moguće, pa ćemo vidjeti.

Ostali su poslušnici

Mi tvrdimo da je KHK u stečaju stvarni većinski vlasnik GIKIL-a, jer posjeduje 69,73 posto kapitala. Ta situacija se mora iskoristiti, jer dolje nema generalnog direktora, nema Nadzornog odbora, ostali su samo

ljudi koji su postavljeni da slušaju Mittala, koji ne znaju posao i pitanje je kako će GIKIL nakon svega ovoga.

IMAMOVIĆ: Tvrdimo da je ovo jako perspektivna kompanija, koja treba malo više ulaganja u pogone. Ovo je globalna kompanija, daleko iznad domaćeg tržišta, jer mi sve izvozimo. Uputili smo i Vladi TK-a dopis i pozvali je da pričamo o ak-tuelnoj situaciji u GIKIL-u. U ovom trenutku je direktno ugroženo hiljadu radnih mjesta.

Govori se da je koksna baterija na izmaku, da se mora uložiti veliki novac da bi nastavila raditi. Ko će to uraditi u ovom slučaju?

HASANHODŽIĆ: Osim novčanih šteta koje su napravljene, postoji ve-lika opasnost da se i baterija raspe, to je tačno. Ona je u totalno lošem sta-nju i ona, prema stručnjacima koje smatram kredibilnim, ne može iz-držati ni šest mjeseci bez barem pet do 10 miliona KM investicije u nje-nu popravku.

IMAMOVIĆ: Nisam pravnik, ali logično je da neko zastupa interese firme osnivača, kao što to radi stečaj-ni upravitelj u KHK-u. Mora postojati način i mi ćemo ga pronaći samo za-jedničkim snagama.



Prošić: Nepovoljan položaj unutar Kantona dosta otežava rad

Teško se živi u Petrovcu, ali ima nade

Bosanski Petrovac je prepun neiskorištenih resursa koje je potrebno staviti u svrhu lokalnog razvoja

Načelnik Općine Bosanski Petrovac Dejan Prošić u intervjuu za Onasu je kazao da se teško živi u Bosan-skom Petrovcu, a odliv stanovniš-tva u pravcu urbanih centara i EU je najveći problem.

Kazao je da je Bosanski Petrovac prepun neiskorištenih resursa koje je potrebno staviti u svrhu lokalnog razvoja. - Razrušenost općine, neizgrađena infrastruktura, stara popu-lacija parametri su koji ne ulijevaju nadu, ali sa druge strane se pružaju mogućnosti koje nam ulijevaju op-timizam, dodao je Petrović.

Naglasio je da se počelo sa pro-gramom asfaltiranja lokalnih maka-damskih puteva. - Prioriteti su nam i završetak elektrifikacije i vodosna-bdijevanja. Tri vodovoda su u fazi za-vršetka radova poslije kojih bismo bili spremni za preuzimanje od ko-

munalnog preduzeća. Elektrifika-cija nije završena. Otvorena je prva solarna elektrana i smatram da je to šansa za investitore uz finalizaci-ju drvene industrije, kazao je Prošić.

Naglasio je da smatra da je jedi-na šansa da se mladi ljudi zadrže i stimulišu da ulažu u usluge pruža-nja seoskog turizma, "gdje smo se jako loše pozicionirali". - Moramo biti realni da lokalpatriotizam pada u vodu pred šansama koje se mla-dima pružaju u EU. Ali, nemamo ni jedan krevet koji se izdaje u smje-štajnim kapacitetima. U općini se nalazi etno-selo Čardaklije koje bi moglo da bude pokretač u razvoju turizma", kazao je Prošić, dodavši da zavisnost od kantonalnih insti-tucija i prilično nepovoljan položaj unutar Kantona dosta otežavaju rad i funkcionisanje.



Srednjoškolci iz Mostara u Parlamentu FBiH

Optužbe treba potkrijepiti dokazima

Suzana Radanović, majka ubijenog Davida Dragičevića, u utorak je po-novo neriješeni slučaj ubistva nje-nog sina dovela u žižu tako što je pu-tem FB-a iznijela teške optužbe protiv inspektora u MUP-a RS-a Dubravka Kremenovića.

- Inspektor u SUP-u BL-a, inače, u slobodno vrijeme ubija djecu. Lično odgovoran za ubistvo moga Davida!, napisala je tada Radanović.

Potom je, tvrdi, dobila prijete i o tome obavijestila mnoge organizacije. MUP RS-a je pozvao Okružno javno tužilaštvo Banja Luka da se oglasi, što je ono i učinilo pozvavši Radanovićevu da "ukoliko raspolaže dokazima da je izvršilac krivičnog djela Dubravko Kremenović, iste dostavi Tužilaštvu,



Suzana Radanović iznijela je optužbe protiv Dubravka Kremenovića

bez odgađanja". Iz Tužilaštva kažu da "provode istragu protiv više NN lica (...), prema tome, ovo Tužilaštvo ne vodi istragu protiv bilo kojeg pozna-tog lica". Preksinoć je na GP-u Gradiš-ka uhapšen novinar Miljan Kovač iz

tog mjesta. Za njim je raspisana me-dunarodna potjernica zbog napada na službeno lice, tačnije zbog prote-sta na Trgu Krajine decembra 2018, kada je Kovač verbalno napao ekipu RTRS-a.

H. D.

Aktivni mladi za transparentne parlamente

Grupa srednjoškolaca iz Mostara jučer je posjetila Parlament FBiH te razgovarala s parlamentarcima o rješavanju pitanja mladih, usklađenosti obrazovnog sistema sa tržištem rada i rješavanju pitanja viso-ke stope nezaposlenosti.

Susret mladih sa zastupnicima u Predstavničkom domu Lanom Prlić, Nerminom Muzurom, Irfanom Čen-gićem i Nihadom Čolpom te delega-tima u Domu naroda Alisom Hajda-rović i Damirom Džebom organizi-ralo je Udruženja građana Perpetu-um mobile - Institut za razvoj mladih

i zajednice Banja Luka u okviru pro-jekta "Iniciraj dijalog: Aktivni mladi za transparentne parlamente".

Direktor Instituta Perpetuum mo-bile Ilija Trninić kazao je da je pro-jekt počeo prije četiri godine kada su uvidjeli važnost da parlamenti budu pristupačni građanima, po-sebno mladim.

Projekt "Iniciraj dijalog: Aktivni mladi za transparentne parlamen-te" podržan je kroz program "Dijalog za budućnost" pod pokroviteljstvom Predsjedništva Bosne i Hercegovine i UNICEF-a, UNESCO-a i UNDP-a.